

# Сийрат дарслари (98-дарс). Қабрларни зиёрат қилинг, охиратни эслатади



13:00 / 14.08.2020 3423

398. Жобир ибн Абдуллоҳ розияллоҳу анҳумодан ривоят қилинади:

«Набий соллаллоҳу алайҳи васаллам бир куни хутба қилиб, саҳобаларидан бир кишининг қабз қилинганини зикр этдилар. У нолойиқ кафандан билан кафандланган ва кечаси қабрга қўйилганди. Шунда Расулulloҳ соллаллоҳу алайҳи васаллам майитни кечаси қабрга кўйишдан қайтардилар. Фақат одам ноилож қолсагина, истисно қилдилар. Яна Набий соллаллоҳу алайҳи васаллам: **«Бирингиз биродарини кафандаса, кафанини яхши қилсин»**, дедилар».

*Муслим ривоят қилган.*

399. Абул Ҳайяж Асадий розияллоҳу анҳудан ривоят қилинади:

«Алий ибн Абу Толиб менга: «Расулulloҳ соллаллоҳу алайҳи васаллам мени юборган нарсага сени юборайми? Бирорта бут-санамни қўймай йўқ қиласан. Бирорта кўтарилиган қабрни қўймай текислайсан», деди».

*Муслим ривоят қилган.*

400. Бурайда розияллоҳу анҳудан ривоят қилинади:

«Расууллоҳ соллаллоҳу алайҳи васаллам: «**Сизларни қабрларни зиёрат қилишдан қайтарган эдим. Энди Мұхаммадға онасини зиёрат қилишга изн бўлди. Бас, у(қабр)ларни зиёрат қилинг. Албатта, улар охиратни эслатади», дедилар».**

*Муслим ва Термизий ривоят қилишган.*